

toki musilili 17 tan
pilin pakala mi
toki musilili tan olin en pona

jan Pusa




toki musi lili 17 tan pilin pakala mi

toki musilili 17 tan pilin pakala mi

tan jan Pusa
pona pi sitelen tan jan Kipo

tomo pali lipu Sulatan
tenpo sike 2017



This work is licensed under the Creative Commons Attribution-NonCommercial-NoDerivatives 4.0 International License. To view a copy of this license, visit <http://creativecommons.org/licenses/by-nc-nd/4.0/>.

You are allowed to make copies and redistribute the material in any medium or format under the following conditions:

Attribution — You must give appropriate credit, provide a link to the license, and indicate if changes were made. You may do so in any reasonable manner, but not in any way that suggests the licensor endorses you or your use.

NonCommercial — You may not use the material for commercial purposes.

NoDerivatives — If you remix, transform, or build upon the material, you may not distribute the modified material.

pali pi jan Pusa
en tomo pi pali lipu Sulatan

sitelen lon sinpin pi lipu tan
jan Yoon Hyeong-yeong
(kepeken ilo sitelen)

tenpo sike 2017

tawa jan Yunson

미 도기 에 수리 시나 다와 미 라 니미 리 리리 무데.

toki pi nanpa wan

olin li ijo pona. jan li olin e sina la ni li pona. sina olin la ni li pona sin. taso mi wile sona e ni: olin ike li lon ala lon. mi toki e ijo pi olin ike la mi toki e ijo ni: sina olin e jan, taso ni li pona ala tan ijo ante.

o sona e ni:

1. sina olin e jan. taso ona li olin ala e sina. ni li pakala tawa pilin sina. jan ali li sona e ni.
2. sina olin e jan. taso sina ken ala toki e ni tawa ona tan ni: ni li ike tawa jan. ona li sona la ona li toki ala tawa sina. sin la ni li pakala.

mi pilin e ijo tu ni. taso mi pilin e ni: ijo pi nanpa tu li pakala mute tan ni: jan li jo e pilin pi olin pona en olin ike. ni li pali ike. taso mi ali poka ni.

mi jo e jan pona. ona li jan Anku. mi toki ala e ni: mi tu li kama jan pona kepeken nasin seme. taso mi toki e ni: mi olin e ona. mi toki sin e ni: mi ken toki ala e olin mi tawa ona. ni li pakala li ike tawa mi. taso mi pana e pona tawa ona. ona li sama ni: jan lili mi.

tenpo suno wan la ona li tawa weka. ona li toki e ni tawa mi. mi toki ala e nimi 'tawa pona'. tenpo suno ni la mi wile pana e telo oko.

tenpo kama lili la mi kute e ni: mama ona li jo e wile ante.
mi kute e ni la mi pilin e ni: ni li pona ala. taso mi toki e ni
tawa mi: ni li ali.

mi pilin ike tan ni la musi li pona e mi. musi ni li jo e pilin
suli mi e wile mi. mi sitelen e musi ni kepeken ilo sona en telo
oko en pilin mi en olin mi. mi sona e ni: jan pona mi li lukin ala
e ni. taso jan ante li ken sona e pilin lon musi ni la mi pona.

jan Pusa
ma tomo Keson, ma Pilipina
tenpo suno 6 pi tenpo mun 9 pi tenpo sike 2017

(1)

sina jan lili mi ala
taso sina weka la mi pilin e ni:
jan lili mi li moli
pilin ike lon mi li kama suli
tan ni: sina lon ni ala

(2)

mi lon supa lape
luka mi li wile pilin e luka sina
taso luka sina li lon ala
mi wan taso

(3)

mi mama mije sina ala
taso sina li weka tan ma ni
la mi pilin e ni:
jan lili mi li moli.

mi pana e telo oko mute
tan mi: mi wile e sina
lon poka mi
mi pilin sama ala

mi lukin e pilin pona sina
la mi pilin pona
taso pilin ike li lon taso
tan ni: sina li lon ala

mi mama mije sina ala
taso pona mi tawa sina
li sama pona tawa jan lili mi
sina jan lili mi

(4)

mama sina li wile e ni:
sina tawa tomo sona pi pali ike
la wan pi kon mi li moli

(5)

pilin pona mi li lon sin uta mi
taso pakala li weka ala.
tan ni: mi lon tomo pi nasin sewi la
mi pana e telo oko mi

(6)

mi wile e ni:
jan li toki e ni tawa mi:
ali li pona tan ni:
ali li jo e pimeja.

(7)

jan lili mi o,
sina pilin seme?
sina sona ala sona e mi?
tan ni: pilin mi li weka ala e sina

(8)

nimi sina
li tan pi pakala mi.
mi sona e nimi sina
la pilin mi li wile e sina
tan ni: tenpo ni
la sina li lon ala.

jan pona sin pi sina (*Your New Friend*)

미 도기 에 니 : " 얀 리리 리 비린 세메" 다와 오나
라 니 리 사마 바리사 우다라 이게.
시나 리 비린 보나 라 미 비린 보나.
다소 미 비린 이게 단 니: 시나 웨가 에 미 단 비린 시나.

*Asking him "How is he?"
Is like a double-edged sword
I'm happy that you're fine with him
But also sad because you might forget me*

(10)

mi lon ma tomo
la mi lukin e sina
tenpo lili la mi tawa sina
mi toki e nimi sina
mi sike e sina kekepen luka mi
li pana e telo oko
pilin pona mute li lon pilin mi

taso lape mi li pini
mi wan taso lon supa lape mi

lon lawa mi taso

mi ken toki tawa sina

mi ken pilin e sina

mi ken pana e pona tawa sina

mi ken kama jan pona suli sina

mi ken pali e ni tan sina

taso mi ken pali e ni lon lawa mi

kon en sewi lon pilin mi

sewi li laso.
ijo sewi walo li lon.
taso sewi mi li pimeja.
ijo sewi pimeja li lon.

mi pilin lete. mi pilin telo.
mi wan taso.
tenpo suno pini la sina suno mi.
tenpo ni la jan ni li telo sewi mi.

(13)

sina toki tawa ona
la mi moli lili
pilin sina li lon luka ona
taso pilin mi li lon luka sina

(14)

tenpo mun tu wan li pini.
sina sona e seme?
tenpo ni la mi jo ala e telo oko
tan ni: mi pana e ni tawa sina.

(15)

mi jo e nimi
mi wile toki e ni tawa sina
taso mi ken toki ala e ni:
mi olin e sina.

pilin pona sina lon uta sina

pilin pona li lon uta sina
la ni li pona mute tawa mi.
pilin pona li lon uta sina
la mi ken lukin e ijo walo uta sina.
ni li sama suno pi suno lili.
ni li pona lukin sama sina.
pilin pona pi uta sina li suwi mute.
mi lukin e ni la pona li lon uta mi.
mi wile pilin e uta sina kepeken uta mi.
taso ike a! mi weka tan sina.

sitelen sina

mi lukin e sitelen sina
la mi wile pana
e telo oko mi
e olin mi.

sina lon lawa mi la
mi wile e ni: mi en sina
li lukin lon tomo sama
toki e ijo mute poka sina

taso mi sona e ni:
mi en sina li olin la
ni li ike tawa oko pi jan ante.
ni li pona tawa pilin mi.

mi jo e sitelen sina.

lipu ante tan jan Pusa:

tenpo sike pi nanpa wan

tomo pi pali lipu

Sulatan

kulupu pali pi TCS Media